

UMS anjur Persidangan Antarabangsa Seni dan Teknologi Kreatif

UB 27.09.2023 P.06

KOTA KINABALU: Universiti Malaysia Sabah (UMS) menerusi Akademi Seni dan Teknologi Kreatif (ASTiF) menganjurkan Persidangan Antarabangsa Seni dan Teknologi Kreatif (PASTIK23) di Theatrette Ahmad Nisfu, ASTiF pada Khamis.

Persidangan dua hari bertemakan 'Seni, Kreativiti dan Teknologi Memartabatkan Budaya' itu menghimpunkan 68 kertas kerja merangkumi pelbagai tajuk berkait dengan seni, sastera lisan dan moden, tarian, teater, filem serta industri kreatif.

Ucaptama persidangan ini disampaikan oleh Pengasas Studio Ace Production, Geoffrey Sinn Chun Hou yang bertajuk Navigating Relevance: Creative Workers in the Transformative Era.

Naib Canselor UMS, Prof. Datuk Dr. Kasim Hj. Mansor, berkata PASTIK23 merupakan usaha ASTiF yang cemerlang dalam konteks mempromosikan penyelidikan khususnya dalam bidang seni kreatif.

"Peranan seni kreatif sebagai satu medium yang mengangkat budaya, adat dan tradisi pemangkin masyarakat perlulah diteruskan dengan mengimplmentasikan teknologi seni kreatif.



TERIMA KASIH: Kasim menyampaikan cenderahati kepada Geoferry sempena program itu.

UNIVERSITI MALAYSIA SABAH

"Ia bagi memperkasa adat dan tradisi warisan menerusi pertemuan pengkaji dan ahli akademik yang menjadi satu platform perbincangan dan perkongsian informasi dalam sejagat kebudayaan," katanya.

Menurutnya, pakar seni haruslah mengambil peluang dengan menggabungkan disiplin ilmu seni dalam bidang reka bentuk grafik, sains dan industri melalui penggunaan teknologi komputer untuk menghasilkan penerbitan akademik yang berkualiti.

Berucap merasmikan program itu, Kasim berkata implementasi teknologi dalam bidang seni mampu mem-

buka horizon baharu kepada pengkaji seni untuk lebih kreatif dengan menggabungkan berbagai elemen visual, audio dan interaktif.

Katanya, gabungan disiplin ilmu dalam penyelidikan dan penerbitan penting untuk mengintelektualkan ilmu seni, sekali gus mampu melonjakkan martabatnya secara global.

PASTIK23 dianjurkan buat kali ketiga melibatkan 123 peserta dari Universiti Pendidikan Sultan Idris (UPSI), Universiti Teknologi MARA (UITM) termasuk UMS serta universiti antarabangsa dari Brunei, Indonesia dan China.